

Handwritten:
SIYYON KE GIT
(SUPPLEMENT)



PUBLISHED BY
Bro. Bakht Singh

"HEBRON"

Near Golconda Chowrastha,
Musheerabad,
HYDERABAD-A. P.

SIYYON KE GIT

(SUPPLEMENT)

201

The Lord is greater than all.
(Exod. 18 : 11)

(Tel. 35)

Ao karen sashtang pranam,
Atma aur' sachchai men Prabhu Yisu ko,
Han..a....a...Ao karen...

1. Musa se Wah sresht hai, } 2
Anugrah Us se milta hai, }
Juthi upas'na se gin hai ; } 2
Bhajo prem se bhakton Use.
2. Harun se Wah sresht hai,
Wah swargiya Yajak hamara hai,
Purna pawitrata Wah hai ;
Bhajo sidhe man se Use.
3. Mandir se Wah sresht hai.
Mandir men Us ki mahima hai ;
Mandir ham ko banaya hai ;
Bhajo pawitrata se Use.
4. Yuna se Wah sresht hai,
Papi ka dhundhne wala hai ;
Papon ko Us ne uthaya hai ;
Bhajo pure dil se Use.
5. Sulaiman se sresht hai,
Sarva gyan ki paripuranta hai ;
Antar bas Wah karta hai ;
Bhajo kharai se Use.

6. Rajaon se sresht hai,
Swarg jag men Us ki mahima hai ;
Shaktiman Parameshwar hai ;
Bhajo nityanit Use.
7. Sabhon se Wah sresht hai,
Sabhon ko sambhale rakhta hai ;
Halleluyah ke yogya Wah hai ;
Bhajo sare bal se Use.

202 *This God is our God for ever and ever.*
(Psalm 48 : 14)

- | | | |
|-----------------------------------|---|------|
| Ao pyaro sharan Masih ki ; | ✓ | ..2 |
| Wahi hamara Parmeshwar hai. | | ...2 |
| 1. Wahi sab ka Sirjanhara, | | } 2 |
| Palanhara Taranhara ; | | |
| Swarg bhulok patal ke Swami ; | | ..2 |
| Wahi hamara Parmeshwar hai. | | ...2 |
| 2. Atma prem daya pawitra, | | |
| Shakti jiwan jyoti shanti, | | |
| Aur bhi gun mahima dikhlate ; | | |
| Wahi hamara Parmeshwar hai. | | |
| 3. Swarg men mahima ichchha puran | | |
| Howe is bhulok ke andar ; | | |
| Sis nawae jai lalkaren ; | | |
| Wahi hamara Parmeshwar hai. | | |
| 4. Din ke bandhu, hin ke sindhu, | | |
| Har ke Swami, lachar ke premi, | | |
| Mahima shanti buddhi se bahari ; | | |
| Wahi hamara Parmeshwar hai. | | |

203 *O give thanks unto the Lord; for He is good.* (Tel. 123)
(Psalm 118: 1)

- | | | |
|----------------------------------|---|-------|
| Bhajo bhajo, Prabhu Yisu nam ; | ✓ | ... 2 |
| Japo japo, mitha Yisu nam. | | ... 2 |
| 1. Yisu nam se milti hai mukti . | | ... 2 |
| Aur nam se Us ke hai shuddhi. | | ... 2 |

207. *O come, let us worship and bow down.* (Tel. 37)
(Psalm. 95 : 6)

Prabhu ji ke charnon men as lagao, .. 2 ✓
Sis nawae stuti gao .. 2 Prabhu ji ... 1

1. Ao Yisu gun ham gaen, 2 } 1
Us ke prem ka gun bakhaen; 1 } 1
Madhur nam ki jai jaikar ho ... 2
2. Yisu chhuraya, Yisu bachaya,
Yisu ne ham se prem hai kiya;
Mahima Us ki aur stuti ho.
3. Giten gao bhajan sunao.
Yisu nam ko nit ucharo,
Sab mil Us ko dhanya kaho.
4. Vishwa jagat ka sirjak jo hai,
Aponon ka Wah kripa nidhan hai;
Us ke prem ko mat bisaro.
5. Yisu ke charnon men bhent charhao,
Atma pran aur deh tum saunpo;
Prabhu apna Us ko mano.

208. *Thou art worthy, O Lord.* (Tel. 133)
(Rev. 5 : 9)

Prabhu ji Tum ne. ✓
Prabhu ji Tum ne jai jaikar;
Tumhi srishti ke Sirjanhar
Sare jagat ke Palanhar.—Prabhu ji Tum ne.

1. Prem Tumhara manohar lage,
Jiwan jyoti dil men jalaye;
Papi manush sab ae sharan tab,
Sangat men Teri sukh' hai apar.
2. Zakhmi Yisu ji sab ko bulawe,
Swarg nagar ka marg batawe;
Ao trishit jan piyo jiwan jal,
Aise hatega papon ka bhar,

3. Balak Tumhare gun git gaen,
Sis nawae sab din gaen,
Tujh men hun magan, Prabhu niranjan,
Jai Prabhu Yisu jai jaikar.

209. *Bless the Lord my soul...forget not all His benefits. (Tel. 77)*
(Psalm 103: 1, 2)

Stuti karo pyaro stuti sarwada, ✓
Pyaro - stuti sarwada.

1. Narak se Us ne mujh ko bachaya,
Swarg ke andar mujh ko Wah laya ;
Is' liye stuti karo pyaro - karo pyar
2. Mujh gharib ke taran ke liye,
Vishwambhar Prabhu gharib bane ;
Is' liye stuti karo pyaro - karo pyar.
3. Pap ke dand ka bhay hai mitaya,
Jiwan ki shakti dil men Wah laya ;
Is' liye stuti karo pyaro - karo pyaro
4. Mitra hamara Prabhu Yisu aega;
Mahima ki deh Wah hum ko dega
Is' liye stuti karo pyaro - karo pyar.

210. *Sing unto the Lord. (Tel. 16)*
(Psa!m 149 : 1-7)

Yahouah ki stuti sab gaen, gaen; 2
Mandli men Prabhu ki prashansa sunaen, } 2
Sab mil gaen, gaen.

... Yahowah k.i...

1. Israel apne kartta ke karan, } 2
Siyyon niwasi raja ke karan; } 2
Magan we hote anand karte, 2
Nach nach kar, stuti sunaen, gaen. - Yahowah ki
2. Daf aur bina madhur bajakar,
Bhajan ham gaen stuti se bharkar ;
Prasann Wah rahta Apni praja se,
Bhakt sada Us ki prashansa gaen, gaen - Yahowah ki.

3. Namra logon ka uddhar Wah karta,
Aur un ko sundarta se bharta ;
Praphullit howen bhakt jo Us ke,
Jai jaikar sab nish din gaen, gaen.— Yahowah ki.
4. Honthon se Ishwar ki prashansa we gaen,
Hathon men dodhari talwar we rakhen ;
Jatyon se palta lene ke karan,
Raj raj ke log saza paen, gaen. — Yahowah ki.

211 *Him hath God exalted ...to be a Prince and a Saviour. (Acts 5: 31)* (Tel. 36)

Yahowah Parmeshwar mahima Tumhari ho, ... 2 ✓
Tum Yisu Trata aur - Tum hi Vidhata ho. ... 2
Yahowah

1. Swarg men Virajman sab se mahan ho ;
Sab adhikariyon men, Tum hi Pradhan ho ;
Rajaon ke Raja, aur Prabhuon ke Prabhu ho ;
Swarg bhulok' ke Tum hi Swami ho ;
Jai jai karte dhanya Tum hi ho
2. Swarg Prabhu chhor karke jag men Tum aye ho ;
Pran balidan karke ham ko bachaye ho ;
Zinda hokar Prabhu ji jivan dilaye ho ;
Aparam prem Prabhu Tum hi dikhaye ho ;
Dandwat karte, gourav Tumhari ho.
3. Yug yug mandli men Mahima Tumhari ho ;
Sab prani kahen Tum hi Yahowah ho ;
Tum Prabhu Adi aur Tum Prabhu Ant ho ;
Sare jagat ke Tum hi Prabhu ho ;
Adar prashansa yug yug Tumhari ho ;

212. *Unto Him that loved us and washed us from our sins in His own blood.*
(Rev. 1 : 5)

- Yisu Tu ne mere liye qurbani charhai. .. 2 ✓
1. Krus par Yisu Tu ne Apni jan charhai, ... 2
Jan charhai, jan charhai. ... 2
 2. Apne khun se Tu ne meri jan kamai,
Jan kamai, jan kamai.

3. Roshni Apni Tu ne mujh men a chamkai,
A chamkai, a chamkai.
4. Teri mahabbat hai mujh men a samai,
A samai, a samai.
5. Sab gunah se Tu ne mujh ko di rihai,
Di rihei, di rihai.
6. Kyun na gaun Munji Teri nit barai,
Nit baraj, nit barai.

213. *Then they willingly received Him into the ship; and immediately the ship was at the land whither they went.*

(John 6: 21)

- | | | | |
|------------------------------------|---|---|---|
| Bhajta kyun nahin re man murakh | ✓ | } | 2 |
| Yisu nam sachcha nam ; | | | |
| Par karega jiwan naiya | | } | 2 |
| Yisu nam sachcha nam. | | | |
| 1. Bhav sagar men hai yadi tarna | | } | 2 |
| Dukh sankat se nahin kuchh darna ; | | | |
| Par karega jiwan naiya | | | |
| Yisu nam sachcha nam. | | | |
| 2. Dunya ke yah gorak dhande | | | |
| Jiwan ke hain sare phande ; | | | |
| Yisu nam ko bhajle re bande | | | |
| Yisu nam sachcha nam. | | | |
| 3. Dunya men tu ne pap kamaya, | | | |
| Pap men sara waqt ganwaya ; | | | |
| Yisu nam ko kyun nahin bhata, | | | |
| Yisu nam sachcha nam. | | | |
| 4. Tute phute hauz banaye | | | |
| Jin men puri shanti na payc ; | | | |
| Tujh ko puri shanti dega | | | |
| Yisu nam sachcha nam. | | | |
| 5. Dunya se tujhe ho kabhi jana, | | | |
| Phir maya men kyun phans jana ; | | | |
| Jina hai to jab lag bhajle | | | |
| Yisu nam sachcha nam. | | | |

214 *Neither is there salvation in any other.* (Tel. 132)
(Acts 4: 12)

Bin Yisu nahin ho nistara. ... 2

Bin Yisu nahin ho.

1. Purab dhundha pashchim dhunda, ... 2
Dhundh phira jag sara.
2. Baibal parh kar rah jo payi,
Khoj liyo jag sara.
3. Khesh kutumbh koi kam na awe,
Matlab ka sansara.
4. Bhule ab tum kahe phirat ho,
Aye paro sat dwara.
5. Wahi Yisu ke main bali jaun,
Jatan hoi uddhara.
6. Papan bhari naw hamari,
Dubat hai manjhdara.
7. Wah bin ab kuchh ban na parat hai,
Lakh jatan kari hara.
8. Re man mat ab Wahi tu bhule,
Wah bin nahin guzara.

215 *Lord, to whom shall we go?* (Tel. 134)
Thou hast the words of eternal life.
(John 6: 68)

Guru kaun pura, guru kaun pura,
Jis ke man men prem bhara.

1. Jag ke guru nahin pap niwaren,
Lobh hain rakhte dil men;
Tan man dhan wah arpan mange,
Das kahen chetake.
2. Sachcha Satguru wah ko kahiye,
Jo ho jag se nyara,
Kalank kapat Wah men mile nahin,
Shudhbuddh men ho pura.

3. Waisa Satguru ham ne dekha
Yisu Masih bharpura,
Atma shanti dil men deta,
Man men prem hai bharta.
4. Krus par Us ne pap uthaye,
Lobh svarth hataye;
Papi jan ke pap uthaye,
Aur kare uddhara.

216

O Lord, Thou hast searched me.
(Psalm. 139: 1-7)

- He Yahowah Tu ne mujh ko } 2
Janch kar jan liya hai,
1. Tu mera uthna aur baithna, } 2
Pure rup se janta hai;
Aur mere bicharon ko bhi, } 2
Dur hi se jan leta hai.
 2. Mere chalne aur letne ko,
Tu to chhanbin karta hai;
Aur mere pure chalan ka,
Bhed sabhi Tu janta hai.
 3. Tu ne mujh ko age pichhe,
Gher kar rakha bhi hai;
Aur Apna hath mujh par
Tu rakhe rahta bhi hai.
 4. Main Tere Atma se chhipkar
Bhag ke jaun kahan?
Jahan jaun wahan Tu hai,
Har jagah Prabhu Tu hai.
 5. He Ishwar parakh kar meri
Chintaon ko jan le;
Aur dekh ki mujh men koi,
Buri chal hai ya nahin.

217

God hath visited His people.

(Tel. 122)

(Luke 7: 16)

- Jagat men aya hai Taranhar; ... 2
 Sun kar ham patitan ki pukar. ... 2
1. Girte hue ko pal men uthakar, ... 2
 Pap karan ka nam mita kar, ... 2
 Kar diya bera par. ... 2
 2. Pap pyala Us ne piya hai;
 Mar ke maran ko jit liya hai,
 Khola swarg ka dwar.
 3. Uth aur uth kar sab mil gao,
 Yisu Masih ka nam jagao,
 Kar do prem ka prachar.

218

That Christ may dwell in your hearts by faith.

(Eph. 3: 17)

- Man mandir men a Masiha man mandir men a, ✓
 Mujhe Tu shuddh bana. .. 2
1. Jiwan bhara pap se mera, } 2
 Sujhat jis se nahin kinara; }
 Kaun dikhae marg ab mera, 2
 Tu hi mujhe ab bata. 2
 2. Jag andhere aur ashuddh sara,
 Jahan jaun Prabhu pap andhera;
 Na koi mila bachawanhara,
 Tu hi mujhe ab bacha.
 3. Dwar ab Tere main Yisu aya,
 Sara sansar Prabhu main khoj liya;
 Tu hi hai mera pran adhara,
 Mujhe Tu Apna bana.
 4. Prem ke karan lahu bahaya,
 Tran dekar Tu ne Pita se milaya;
 Swargiya bhawan men mujhe Tu laya,
 Jiwan sanatan diya.

219 *Vanity of vanities, all is vanity.* (Tel. 117)
(Eccl. 1: 2)

1. Maya moh aur lobh men bhai - bhula kyun phire?
Ghas ki nai yah jawani ek din mit jaye.

Mrityu ati! Mrityu ati! sab ke jiwan men;
Anugrah ke din ai bhai ghatte hain jate.

2. Dekh samadi munh pasare hai tere liye;
Lekin Yisu ab bulata ai bhai tujhe.
3. Parmeshwar ke bachan ke chih pure sab hote;
Pyale Us ke kop ke dunya par dale jate.
4. Balaon ko dekhte dekhte dil hain hil jate;
Us ke sant Us se mil ne ko taiyar ho jate.
5. "Sat aur Jiwan, Marg, Main hun," kaha Yisu ne;
Dusri koi rah nahin hai dekho tum khoj ke.
6. Muktidata hai bulata tu Us ki sun le;
Chhorke papon ko pyare Apnale Use.

220 *"Master, carest Thou not that we perish?"*
(Mark 4: 38)

Naiyya par laga, meri
Naiyya par laga, Yisu ji;
Bich bhanwar ke hun, meri
Ap madad ko a, Yisu ji.

1. Andhon ko din ankhen Tu ne, }
Korhon ko changa kina; } 2
Tere hukum se fauran murde ... 2
Bahar qabr se aye. .. 2
2. Pani ke matke mai bangai
Apne jab farmaya;
Pani par khuski ki manind
Apne chal dikhlaya.

3. Panch hazar ko ser kiya tha
Panch rotiyan lekar;
Mujh papi ki jan bachayi
Jan salib par dekar.
4. Aise kam kiye hain Swami
Jo koī kar nahin sakta ;
Tere nam se marne wala
Hargiz mar nahin sakta.

221 *The blood of Jesus Christ His Son* (Tel. 163)
 cleanseth us from all sin. (1 John 1 : 7)

Tera lahu Tera lahu mujhe shuddh karta hai ; } 2
Tera lahu meri shakti hai.

1. Tere lahu ki dhar men
Papi ko asra milta hai ; ... 2
Pawitrapita mujh papi ko
Dhokar pawitra karta hai. ... 2
2. Nash hone walon ke liye
Krus ki katha ek murkhata hai ;
Uddhar pae huon ke liye
Parmeshwar ki samarth hai.
3. Tera krus ka pawitra khun
Mujhe wah shuddh karta hai ;
Mukti papon se deta hai,
Dharmi mujhe thahrata hai.
4. Suwar ki nai kichar men lotta
Kutte ki nai ghumta phirta tha ;
Prem se khincha Tune mujhe
Ai premi Teri stuti ho.
5. Mere pichhe Shaitan hai,
Mujhe darata Shaitan hai;
Tera lahu dur hatata hai,
Tera lahu bhasam karta hai.

6. Stuti mahima aur izzat,
Yuganyug Teri hai;
Tu hi stuti ke yog hai,
He Pita Tujhe namaskar ho.

222 *The Son of God who loved me and gave Himself for me.*
(Gal. 2 : 20)

1. Yisu ne tere waste, - Apna lahu baha diya, .. 2
Us ke badle papi manush, - Yisu ko tune kya diya? 2
2. Papon se man phirao tum, - dil se bishwas lao tum;
Suli par charke Yisu ne, - Apna lahu baha diya.
3. Papon ka bhar hamara tha -lekin uthaya Yisu ne;
Suli par charke khud-bakhud, - Apna lahu baha diya.
4. Pran jab Us ne de diya, - rakha samadhi men Use,
Tisre din Wah ji utha, - Jis ne lahu baha diya.
5. Swarg par virajman hai - papi ka Wah sahara hai;
Lene ko aega hamen - Jis ne lahu baha diya.
6. Sab jatiyon ke logon ko - susamachar jake do,
Yisu ko Prabhu man le - Jis ne lahu baha diya.

223 *"God be merciful to me a sinner."* (Tel. 155)
(Luke 18: 13.)

- Yisu Tu mujhe pap se bacha kar daya. ... 2
1. Pap men main ne janam hai liya, ... 2
Pap men jiwan nash hai kiya. .. 2
 2. Baton se main ne pap hai kiya,
Bicharon se bhi pap hi kiya.
 3. Ghamand men apna yah jiwan bitaya.
Man ko bhi main ne kiya hathila.
 4. Prabhu Yisu Tu ne kasht uthaya,
Mere liye Tu ne lahu bahaya.
 5. Eishwas se main ne man hai khola,
Yisu lahu Tera hriday men liya.

Lahu se Tere Yisu main ab mukti pa gaya!

224 "Go ye into all the world, and preach the Gospel."

(Mark 16: 15)

- Age barho nav jawano, ... 2
 Name Yisu ka parcham lahra do.
1. Bahr-o-bar ko par hai karna, } 2
 Rah ki mushkilon se khauf na karna; }
 Mushkil ko asan bana do. ... (2) Name Yisu
2. Har qadam pe ja bachan sunana,
 Sat ki rah ko sab ko batana;
 Munji ko apna bana lo. - Name Yisu
3. Bandh le kamar safar hai karna,
 Injil ka har su prachar hai karna;
 Dunya badal kar dikha do. - Name Yisu

225 *But the people that do know their God* (Tel. 206)
shall be strong and do exploits. (Dan. 11: 32)

- Apne Prabhu ko pahchanne wale } 2 ✓
 Shakti pake kam karenge.
1. Koi unhen na bharmaga, ... 2 } 1
 Prabhu se na hataega; a...a...a... ... 1 } 1
 Koi unhen jhuti shiksha se
 Na bhatkaega.
2. Weh pichhe na hatenge,
 Prabhu men drirh rahenge; a...a...a...
 Atalia ko weh milkar
 Mar hi dalenge.
3. Manush se na darenge,
 Atal bane rahenge; a...a...a...
 Apne drirh bishwas se weh
 Na kabhi hatenge.
4. Murton ko na pujenge,
 Pran apne weh de denge; a...a...a...
 Kathinai se na weh
 Sab kabhi darenge.

5. Agni se na jhijhkenge,
Sheron se bhay na khaenge; a...a...a...
Chahe jo bhi sir par ae
Us ko jhelenge
6. Pariksha par jai paenge,
Sankat sabhi sah lenge; a...a...a...
Apne Prabhu ke gyan se
Jaiwant howenge.
7. Weh gyan se gyan tak barhenge,
Gyan sahit chalte rahenge; a...a...a...
Gyan sahit weh Prabhu sewa
Karte rahenge.

226

The church which is His body, (Tel. 244)
the fulness of Him that filleth all in all.

(Eph. 1 : 22,23)

- | | |
|--|---------|
| Bhakton ki mandli hai Prabhu ki deh, | ✓ ... 2 |
| Bharpuri Apni jis men Wah bhar de. | .. 2 |
| 1. Ek deh ke bahut sir nahin hote, | .. 2 |
| Deh ke Prabhuji sir hain akele. | .. 2 |
| 2. Khyal Prabhu ke sir se nikalte; | |
| Deh men weh ake pragat hote. | |
| 3. Is deh men koi Yahudi na hote, | |
| Das na hote, swatantra na hote. | |
| 4. Is deh ke bhinn bhinn ang chahe hote, | |
| Ek sath gath ke sath hi rahte. | |
| 5. Hath to panw se kah nahin sakte, | |
| Tum bin ham to karya kar sakte. | |
| 6. Atmik ekta ang jab rakhte, | |
| Atmik unnati deh men weh late. | |
| 7. Adhin sir ke ang jab rahte, | |
| Bharpuri Prabhu ki sewa men pate. | |

227

Behold, I will do a new thing.
(Is. 43: 19.)

(Tel. 257)

Dekho Main ek naya kam ab karunga zarur, ...2
Aur nishchay jan loge tum is ko bhi zarur. ...2

1. Jangal men marg kholunga, } 2
Nirjal desh men nadian bhi; }
Jangal ke sinch ne ko } 2
Bahaunga unko.
2. Nadiyan jal se honghi bharpur,
Pani un men hoga pur ; ..
Praja a Prabhu ki
Tum ake piyo khub.
3. Shutrmurg aur gidar bhi
Mahima Meri karenge ;
Banaile sab jantu bhi
Stuti karenge.
4. Nayi srishti sirjunga,
Shanti Apni Main dunga ;
Naya git Main munh men
Tumhare dalunga.
5. Swargiya darshan paoge,
Mujh ko Prabhu janoge ;
Arambh se adhik Main
Bhalai karunga.
6. Naya sab kuchh karunga,
Us ko bhi Main parkhunga ;
Gupt man, swet patthar,
Aur naya nam, dunga.
7. Bhumi par swargiya anand,
Ao gaen milkar sab ;
Us ki hai pratigya,
Sab gaen, Halleluyah.

228

God.....is rich in mercy.

(Eph. 2: 4).

Hamen Yisu ke darwaze par rahna ✓

Wah rahmaton ka bani hai ;

Sir jhukae sewa men lage rahna } 2

Wah rahmaton ka bani hai. }

1. Jag men Yisuji ne ake bhalaiyan kini hai, ... 2
Sare papiyon ko pap se rihai dini hai, ... 2
Tere dar se ab hat ke nahin jana. —Wah
2. Binti Yisuji Tu sunle is dukhiya aurat ki,
Larki meri bimar ruh bach jae bechari ki;
Munh mangi murad Tujh se pana. —Wah
3. "Sunle", Yisuji ne kaha, "Main aya is liye,
In Israeli bheron ko bachane ke liye,
Khana bachchon ka deun tujhe kaise?" —Wah
4. Kaha aurat ne Yisu se, "Main jaun kis tarah?
Mez Teri par ke tukron ko main khaungi zara;
Tere tukron ko khake ser hona." —Wah.
5. Kaha Yisu ne, "Ai aurat, iman tera bara,
Jo kuchh manga tune mujh se main pura karunga;
Jake dekh teri beti hogai changi." —Wah.

229

I.....have the keys of hell and of death.

(Rev. 1: 18)

Kal patal ke jitanhara

Bera par lagao hamara. } 2

1. Bhul gaye path se jo panthi, } 2
Panth batao Prabhu prachara; } 2
Main balhin, bali Tu Swami, } 2
Marg men ho Tu sath sahara. }
2. Mukti ke hain ham ati bhuke,
Deo hamen Tum swarg ahara;
Kund bilauri khol Tu dewe
Nikle jis se jiwan dhara.

3. Ag aur megh ka khambh sath de,
Yatra bhar mera ho Tu sahara;
He Prabhu Tu hi dhal hamara,
Tujh par hain bharosa hamara.

4. Mrityu nadi ke tir jo aun,
Bhay khatka Tu mita de sara;
He Prabhu Tu hi sahayak mera,
Binti karun harsh se Tumhara.

230 *Open their eyes, to turn them from darkness to light. (Acts. 26: 18)* (Tel. 302)

Jiwan dip jalao, ... 2
Prabhu ji mere ...2—Jiwan ... 1

1. Ghor andhera path na sujhe, ... 2
Sat nagri ko paun kaise? ... 2
Hath pakar kar Tum hi Swami ... 2
Prem ki rah dikhao Prabhuji. ... 2

2. Bas karo mere jiwan men,
Bas jao mere nainon men;
Sab ki Tum ne laj rakhi hai,
Mere bhi ban jao Prabhuji.

3. Pran diyo ham papin karan,
Mere bhi tum kasht niwaran;
Dhar bahi jo krus se tera,
Us men mujhe nahlao Prabhuji.

231 *Sing praises to the Lord, which dwelleth in Zion. (Psalm 9: 11)* (Tel. 258)

Pawitar Siyyon ke basi, Sarvadhikari, } 2
Ki mahima hai bari; }
Vartamana bhuta bhavishat kalawasi, .. 2
Alpha Omega Wahi, .. 2
Adi aur ant hai Wahi. .. 2

1. Maine sab logon ke samne bacha bandhi hai } 2
Ashcharya kamon ki; }
Maine Yahovah asankya ashcharya kam karta, 2
Samajh se jo bahar hain, .. 2
Yah sab mere karya hain. .. 2

2. Jai Jai kari gate hue Siyyon nagar men
Shanti se ham pahunche ;
Sada ka anand hamare dilon men ab hai ;
Shok aur dukh ab nahin hai ;
Harsh anand aur shanti hai.
3. Teri neon men main nilam mani dalunga
Kalash manion ke ;
Tere phatakon ko lal laryon ke banaunga ;
Aur main sab siwanon ko
Ratnon ke banaunga.
4. Yahovah ne susamachar sunane ke liye
Mujhe abishek kiya ;
Shok bilap ka vastra utara yash ka vastra diya
Sundar pagri pahankar,
Sewak Apna banaya.
5. Jal men hokar jub tu guzre bal tera hunga,
Sang tere rahunga ;
Nadion men jab hokar guzre tu na dubega ;
Agni par jab chalega
Bal tera na jhulsega.
6. Age age tere chalke pital ke kiwar
Tere age torunga ;
Andhakar men chhipa hua dhan tujh ko dunga ;
Gupt sthanon ka dhan bhi
Yah sab tujh ko main dunga.
7. He Yakub ke ghar ke logo bache hue jo,
Main ne pala hai tum ko ;
Burhape tak sambhalunga, sir sufed jab ho ;
Tum ko liye phirunga,
Churata bhi rahunga.

232

(Joel 2: 23-32)

(Tel. 260)

- | | | | |
|---|---|-----|---|
| Prabhu ko sab milkar sarhao, | ✓ | ... | 2 |
| Ao - Prabhu ko sab milkar sarhao ; | | ... | 2 |
| Kyunki Prabhu ne hamse pratigya ki hai. | | ... | 2 |
| 1. Siyyoniyon Yahovah ke karan magon ho ; | | ... | 2 |
| Pahli pichhli barsa Prabhu se ho. | | | |

2. Prithvi tujh ko hogi kabhi na nirasha ;
Kyunki Yahovah ka mahan karya hoga.
3. Per bhi apna milkar phal dewenga ;
Anjir aur dakh apna phal dewenge.
4. Jin barso ko tiddiyon ne hai khaya ;
Main Prabhu un haniyon ko bhar dunga.
5. Mujh Yahovah siwa Parmeshwar hi nahin ;
Asha meri praja ki kabhi na tutegi.

233

I Will Build My Church.

(Tel. 243)

(Matt. 16: 18)

- | | | | |
|---|---|-----|---|
| Prabhu Yisu Apni mandli banata, | ✓ | ... | 2 |
| Shaitan us par prabal na hota, | | ... | 2 |
| Prabhu Yisu Apni mandali banata. | | | |
| 1. Naqshe ke anusar mandir bana tha, | | ... | 2 |
| Manush ki buddhi se kuch na bana tha ; | | ... | 2 |
| Nae bacha men naqsha diya tha, | | ... | 2 |
| Prabhu ka ghar bhi waise bana tha. | | | |
| 2. Jita Prabhu jite pathron ko garh ke, | | | |
| Chatan par drirh neo Wah dale ; | | | |
| Baloo ki neo par ghar jo dale, | | | |
| Andhi se wah sab nash ho jawe. | | | |
| 3. Atmik rajon ko Prabhu hai chunta, | | | |
| Atmik gyan se Wah unko hai bharta; | | | |
| Jab manush sansari logon ko chunta, | | | |
| Atmik ghar phir na ban sakta. | | | |
| 4. Ghar yah Prabhu ke liye hai banta, | | | |
| Pawitrata se yah ghar hai banta ; | | | |
| Bharpuri Apni us men Wah bharta, | | | |
| Mahima se Us ka ghar bhar jata. | | | |
| 5. Pragat mahima ho Prabhu ke ghar se, | | | |
| Jake jagat men phir wah chamke; | | | |
| Jiwan ka jal bhi ghar se nikle, | | | |
| Jahan jawe wahin jiwan bhar de. | | | |

234

Charity Never Faileth.

(Tel. 286)

(I Cor. 13: 8)

1. Premi Yisu Masih ka ✓ .. 2
 Han prem hi sab se atal hai ; .. 2-Premi
 Siddh prem bhai ko dur hai karta, ... 2
 Kyunki bhai se kasht hai hota, ... 2
 Prem men bhai nahin hota. ... 2-Premi Yisu
2. Prem dhirajwant hai banata,
 Han prem kripa karna sikhata ; -Prem
 Prem irsha hin aur prem dambhin hai,
 Prem adharm se khush nahin hota, -Premi Yisu
 Prem kabhi phul nahin jata.
3. Apswarthi nahin hota,
 Na prem kabhi jhunjhlata ; -Apswarthi
 Katubachan se chirh nahin jata,
 Satya bachan se anandit hota, -Premi Yisu
 Sab kuch hai sah leta.
4. Biswas karna sikhata,
 Sab baton ki asha rakhta ; -Biswas
 Sab boton men dhiraj dharta,
 Prem kadapi tal nahin sakta, -Premi Yisu
 Prem atal hai rahta.
5. " Prem kya mujh se tu karta ?"
 Priye Prabhu Yisu yah kahta ; -Prem kya
 " Prem adhik kya in se tu karta ?
 Meri sewa men khush rahta ?
 Apna krus uthata ?" -Premi Yisu
6. Prem men jar tum pakro
 Han prem men neo dalo -Prem men
 Prem ke bandhan se bandh jao
 Prem ke sambhandh men jut jao
 Prem men sab gath jao. -Premi Yisu

235

All things are yours.
(1 Cor. 3 : 21)

(Tel. 255)

Sari chizen hain tumhari - Prabhu ki pratigya hai.

1. Howe Paulus ya Apollos - chahe Kaiphas ho,
Dunya ki sari bharपुरi - sab tumhari hai.
2. Zindagi ho, maut bhi ho - vartaman bhi ho.
Bhavishya ki sari chizen - sab tumhari hain.
3. Ham sahkarmi hain Prabhu ke - kheti Us ki tum;
Parmeshwar ki rachna ho tum - sab tumhari hain.
4. Sab prakar ki pradhanta - adhikar samarth,
Bharपुरi sab Yisuji ki - sab tumhari hain.
5. Sinchi hui bari ki nai - sote ke saman,
Jal kabhi jiska na ghathta - aise hoge tum.
6. Sari chizon par jai pake - waris hona hai;
Beta hona bhi Khuda ka - bhag tumhara hai.
7. Nayi srishti ki ashishen - sab tumhari hain;
Pawan sabha ki ashishen - sab tumhari hain.

236

Hear me when I call O God.
(Ps. 4 : 1)

(Tel. 300)

Sunle pukar hamari - mahan shakti wale!
Kop Apne men kyun jhirke - mithi zuban wale?

1. Nikarun Tujhe kaise - ai mere Mitra pyare?
Jhijka na Tu suli se, - na dar gaya Tu dukh se,
Nikle na Tere munh se, - kalmen inkar wale.

- 

238

Arise, shine.

(Tel. 203)

(Is. 60: 1)

- Uth jyotiman tu ho ja, } 2
 Teri jyoti hai tujh par chamki;
 Yahowah ka tej udai hua, } 2
 Prakash man tu ho ja.
1. Aur anyajatiyan tere
 Prakash ki or chalengi;
 Aur raja sare teri
 Chamak ki or challenge.
 2. Samundar ka sara dhan,
 Anyajatiyon ka dhan sampat,
 Tujh ko yah sab milega,
 Hriday anand se bharega.
 3. Deodar tidhar sanaubar
 Milkar Mere ghar men aenge;
 Aur Main Apne charnon ke
 Us sthan ko mahima dunga.
 4. Main tujhe sada ki uttamta
 Ka karan thahraunga;
 Aur pirhi pirhi ke harsh ka
 Karan tujhe thahraunga.
 5. Chhota, hazar banega,
 Thora, samarthi jati banega;
 Is karya ko Main Yahovah
 Samay par pura karunga.

239

The Lord is my Shepherd.

(Tel. 249)

(Psalm 23)

- Yisu mera Charwaha main Us ka gun gata hun, } 2
 Chhoti Us ki bher Us ke piche jata hun.
1. Haryali charagah mujhe charata hai, ... 2
 Aur nirmal soton se mujhe pilata hai; ... 2
 Wah age age chalta hai, raksha bhi karta jata hai, } 2
 Us ki madhur bani se main tript ho jata hun.

2. Maut ki ghati se mujhe le jata hai,
Jangal ke khatron se mujhe bachata hai;
Wah malham patti karta hai, dharas bhi mujhe deta hai
Us ki prem sewa se main anand pata hun.
3. Dushman ke samne Wah mez bichhata hai,
Katora anand se wah umra jata hai;
Wah pak pawitra karta hai Atma ka dan deta hai,
Us ki roz sahayta se jai pata jata hun.

240

*Every tongue should confess that Jesus
Christ is Lord. (Phil 2 : 11)*

(Tel 130)

Sab Yisu ki jai jai bolo ✓
Sab pap se hath ko dholo. -Sab Yisu

1. Yisu hamara pyara hai, } 2
Sab ka Taranhara hai, }
Man ka Wah ujyala hai, ... 2
Man ki ghundi kholo. ... 2
2. Hamare khatir dukh uthaya,
Jag men Apna khun bahaya;
Chalne ko sidha rasta bataya,
Pap men ab mat bhulo.
3. Samay rahin hai dunya men tera,
Pap bhanwar men kyun hai ghira?
Yisu man ko lagado phera,
Man ki anken kholo.

241

(Psalm 43 : 3-5)

(Tel. 289)

Apni jyoti, Apni sachchai, ✓
Pragat ab hone de;
He Yahovah mere.

- Apni

1. Kyonki wahi mujhe chalayen,
Aur Tere niwas sthanon men
Pahunchayen Tere parbat par;
He Yahowah mere.

- Apni

2. Tab' main bin' bajaunga,
Dhanyabad Tera main karunga.
Ho.....sanna, Hosanna.
He Yahowah mere. — Apni
3. Gi'ra kyu'n jata he pran?
Bharosa Yahowah par rakh,
Asha meri sada Us men hai;
He Yahowah mere. — Apni

242

Behold, thy King cometh unto thee!
(Zech. 9 : 9)

(Tel. 40)

- Dekh tera Raja ata hai!
Siyyon ki beti khushi mana,
Yarushalem ki beti magan ho ga.
1. Kyonki Wah hi dharmi hai,
Kamon men nirdosh bhi hai;
Pap' rahit tera Prabhu ata hai. — Dekh
 2. Mukti leke ata hai,
Wah sanatan Raja hai;
Prem' sahit Yarushalem ata hai. — Dekh
 3. Namra Wahi hai din bhi,
Wah dayalu premi bhi;
Manushyon men Maharaja ata hai. — Dekh
 4. Rajkumar Wah Shanti ka,
Daya se bhara hua;
Mahima se Yisu Raja ata hai. — Dekh
 5. Badal par hua sawar,
Ham Sabhon ka Taranhar;
Stuti ke sinhasan par ata hai. — Dekh
 6. Daud ka Wah Putra hai,
Papiyon ka Tarak hai;
Jay' git' sahit Yisu ata hai. — Dekh
 7. Bhai bahinon ao sab,
Hosanna gao sab,
Halleluyah Yisu Raja ata hai. — Dekh

243 *The eyes of the Lord run to and fro (Tel. 78)
throughout the whole earth, to shew
Himself strong in the behalf of them whose
heart is perfect toward Him.*

(II Chron. 16: 9) ✓

Ao bhajen Us'ko - prachar karen, pranam karen,
Sirjanhar, Taranhar, Palanhar.

1. Sahay ab tak hamari ki,
Jan salib par Apni di;
Aguwai ham ko Us ne di,
Ankh ki putli ki nai, raksha bamari ki- han, han
2. Sare jagat ke niwasiyon men
Sidhe man se jo chalte hain,
Samarth Apni dikhane men
Daya drishti Yisu ki, phirti rahti hai- han, han
3. Salah di hai hazaron bar,
Ankhon se Apni aguwai ki,
Badal ke ham abhagon ko
Tasalli hamko Apni hi, dekar Yisu Guru-han, han
4. Ankhen jo hain agni saman,
Dukhon men chutkara dene ko,
Sahay sankat men karti hain;
Drishti karta rahta hai, bachchon ke liye-han, han
5. Ankh jo dekhti dharmi ko.
Man ki nai sambhalti hai,
Wah jo tej se bhari hai,
Bal samay par dekar bhi, anath na chhorega-han,han
6. Saton ankhon se dekhta hai,
Nath anathon ka banta hai,
Atma se hamko bharta hai,
Rakhwala thahrata hai, gaen sab Halleluyah-han, han

244

Isaiah 53.

Yisu ne sab ke liye - jiwān balidan kiya,
Ji uth kar ham ko Us ne - anant jiwān diya.

1. Wah tuchh jana gaya - logon ka tyaga hua,
Wah dukhi Purush hua - aur rogi sarasar hua.
2. Nishchay Wah ham sab ke - rogon ko uthata hai,
Taubhi ham sabhon ne - Prabhu ko tuchh jana.
3. Apradhon ke karan se - Wah ghayal kiya gaya,
Adharm ke karan se - Wah kuchla bhi gaya.
4. Bheron ki nai sab - ham bhatke hue the,
Achche charwahe saman --pran Apne Us ne diya.
5. Andher Us par hua - par sahta Wah raha,
Munh Us ne na khola - prayaschi hamara hua.
6. Na pap kiya Us ne - na chhal nikla munh se,
To bhi Parmeshwar ne - apradh Us par dale.
7. Wah krus par tanga gaya - aur qabr men rakha gaya,
Jai ke sath jiwit hua - ao gaen ham Halleluyah.

245

I am the light of the world. (Jn. 8: 12) (Tel. 208)
Now are ye light in the Lord. (Eph. 5: 8)

“Is jag ka Main deepak hun,
Jiwan jyot jaga dunga.”

1. “Deepak hun main Apne ghar ka,
Main roz jala hi karta hun;
Main jal jal kar Apne ghar ka
Andhyara dur bhaga dunga;
Jiwan jyot jaga dunga.”
2. Samaj nagar bhi Khrist bina,
Soye se hain andhyare men;
Main Yisu Masih ki jyoti ko
Har kone men jala dunga;
Jiwan jyot jaga dunga.

Jo jyot mili Prabhu se mujh ko,
 Wah tyag prem sat sewa ki,
 Main khush hokar is jiwan men
 Balidan use charha dunga;
 Jiwan jyot jaga dunga.

246

I will extol Thee my God, O King. (Tel. 351)
 (Psa. 145: 1)

He Ishwar mere Raja - main Tujh ko sarahunga; 2 ✓
 Aur Tere Nam ko sada main dhanya kahta rahunga 2

1. Har roz Tujh ko dhanya kahunga, 2
 Stuti Teri main karta rahunga.
2. Tere kamon ka warnan karunga,
 Bhalai Teri main smaran karunga.
3. Uddhar ke giten main to gaunga,
 Stuti ke nare sada marunga.
4. Vijay ke sangit jag man sunaunga,
 Jiwan bhar Us ko main to bhajunga.
5. Asha se bharpur sada rahunga,
 Apne Prabhu ko ate dethunga.

247

As for God, His way is perfect. (Tel. 352)
 (Psa. 18: 30)

He Yahowah he bal mere,
 Sada hain sachche marg Tere
 Karta hai siddh sab marg mere—He Yahowah

1. Mere shatru gheren mujh ko,
 Bandhanon se patal ke jakren; } 2
 Barh adharm ki mujh ko darae,
 Par Prabhu mujh ko kabhi na chhore.

2. Mrityu ke jal se jab di duhai,
Ban gaya rakshak aur uncha garh;
Mandir se suni meri duhai,
Tab prithwi kanpi aur tharrai.
3. Jab Prabhu kop men krodhit hua.
Newen paharon ki sab hil gain;
Us ke mukh se agni nikalkar,
Shatruon ko chat kar gai.
4. Dayawanton per dayalu banta,
Terhe par Tu tirchha banta;
Ghamandion ko nicha karta,
Tu sarwa gyan aur samarth rakhta.
5. Tu hi mera dipak jalata,
Mere andhyare ko jyoti banata;
Apni shakti ka hath barhata,
Apni samarth se mujh ko uthata.
6. Pairon ko harni saman banata,
Unche sthanon par sthir hai karta;
Mujh ko bachav ki dhal hai deta,
Dahine hath se mujh ko sambhalta.
7. He Yahovah Tu jo jiwit hai,
Tu jo mahima hi ke yogya hai;
Jation ke sanmukh stuti karke,
Gaunga dil se main, Halleluyah.

248

(Psalm 147.)

Tel. (353)

Ishwar ki stuti, tum karo, stuti gana hai bhala.

1. Yarushalem ko ab Prabhu - basa raha hai weg se,
Aur ikaththa kar raha hai-Israeli wansh ko.
2. Namr' logon ko Prabhu-chnan men changa kar raha,
Aur un ke shok par ab-malham patti bandhta.
3. Tara-gan ko hai Prabhu dhyan' se ab gin raha,
Aur un, men se har ek ka naw bhi Wah de raha.

4. Prabhu Apna hai mahan - aur ati samarthi bhi,
Us ki buddhi hai adhik - gyan aparam par' bhi.
5. Namron ko sambhalta - dushton ko hai pachharta;
Apne karta dharta ko ab - dhanyawad' tum kaho.
6. Meghon se akash ko - hai Yahowah ladta,
Aur prithwi ke liye Wah - ghor' warsha bhejta.
7. Ghas pashuon ke liye - parbat par upja raha,
Ahar bachchon ke liye Wah - kauwon ko bhi de raha.
8. Na to bal Wah ghoron ka - na manush ka chahta;
Hota hai prasann un se - bhay jo Us ka mante.
9. Yarushalem Yahowah ki - Saiyyon apne Raja ki,
Stuti prashansa karen - ek' hokar ke sabhi.
10. Tere larke balon par - hai Yahowah ki ashish,
Aur Tere phatakon ke - khambh bhi karta hai
Wah drirh.
11. Shanti deta hai Prabhu - tere siwanon men sada;
Tript' karta hai sada - uttam uttam gehun se.
12. Bachan dire Yaqnb ko - widhiyan Israel ko;
Na kiya vyavhar aisa - Anya jatiyon se kabhi.

249 *That ye might be filled with all the fulness of God.*
(Eph. 3:19)

Bhar de mere Prabu mujhe Tu,
Sari shakti se Apni mujho Tu.

1. Apne Atma se mujhe bhar de,
Sari shakti se mujhe bhar de.
2. Swargiya anand se bhar de mujhe,
Atmik shanti se bhar de mujhe.
3. Mahima se Apni mujhe bhar de,
Phalon se jivan mera bhar de.
4. Jivan se bhar de Prabhu Tu mere,
Prem se bhar de Ishwar Tu mere.

5. Sat se bhar de mera hriday,
Daya se bhar de mera hriday.
6. Bishwas se Prabhu mujhe bhar de,
Gyan se Apne mujhe bhar de.
7. Soton aur jharnon ka anubhav de,
Nadian aur nale mujh se baha de.

250. *Ye are a chosen generation, a royal priesthood, (Tel. 358)
a holy nation, a peculiar people.*

(1 Peter 2 : 9)

Jai, jai Yisu Raja, jai jai,
Rajadhiraja ki ho jai, jai. ✓

1. Pap men main jo duba hua tha,
Mujhe nihara hath pasara,
Sachche marg men le aya.
2. Krus ke lahu se mujh ko dhokar,
Sab papon ko mere mitaya,
Mere pawitra Prabhu Yisu.
3. Main adharmi tha mujh ko Tu ne
Dharm aur tran ka vastra diya,
Premi Prabhu ji Tujh ko jai, jai.
4. Main mitti ka tha jo kira,
Mujhe utha kar swarg men laya,
Maha Prabhu ji Tujh ko jai, jai.
5. Main jo papi shrapit bhi tha,
Nij dhan Apna mujhe banaya,
Dhani Prabhu ho Tujh ko jai, jai.
6. "Mata yadi bhule to bhule,
Par Main tujh ko na bhulunga,"
Sachche Prabhu Tu ne aisa kaha.

251. *But God Who is rich in mercy, ... hath quickened us together with Christ.*

(Eph. 2 : 4, 5) ✓

- Mero man lago, ... 2
 Prabhu ke dhyan. ... 2
1. Prem ki Teri rit nirali,
 Teri anokhi shan. ... 3
 2. Papin karan krus uthai,
 Dedi Apni jan.
 3. Jo Prabhu Teri sharan men awe,
 Bach gae us ke pran.
 4. Jis ne Tera daman chhua,
 Pai shifa usi an.
 5. Binti hamari suniye Prabhu ji,
 Dijo Apna gyan.

252. *He was afraid; and beginning to sink, he cried, saying, Lord, save me.*

(Matt. 14 : 30)

- Taran de papi ko Prabhu mujhe,
1. Punya nahin Prabhu main ne kamaya,
 Pap kiya jiwan kho.
 2. Tarapta hun Prabhu pap rog men,
 Pakre hun mrityu ke path ko.
 3. Waid nahin Prabhu Tujh bin aisa,
 Changa kare papi ko.
 4. Maha samarthi Tu yadi chahe,
 Yad kar mujh papi ko.
 5. Kya karun Prabhu mujhe bata Tu,
 Sukh ho is jiwan ko.
 6. Papiyon ka Tu Mitra bana hai,
 Sun papin ki vinay ko.

253. *Sir, give me this water, that I thirst not.*

(John 4 : 15)

Jiwan ki yah pyas mere,
Ab bujha Prabhu Yisu pyare.

1. Tu jiwan ka sota hai,
Jiwan jal Tujh se bahta hai,
Is bahte hue jiwan ko,
Bhar de jiwan men mere.
2. Tu shanti ka nirjhar hai,
Shanti Prabhu Tujh se jharti hai,
Is jharti hui shanti ko,
Bhar de jiwan men mere.
3. Sat anand ka Tu dhara hai,
Tera anand jag men nyara hai,
Is nyare manohar anand ko,
Jiwan men Tu de mere.
4. Shuddh jiwan shant anand Tera,
Bah nikle jiwan se mere,
Aur pae mere is jiwan se,
Jag ashishen Prabhu Mere.

254. *I am not ashamed of the gospel of Christ.*

(Rom. 1 ; 16).

1. Main hun Masihi, aur rahunga bhi,
Jab tak na suraj aur chand tale;
Main hun Masihi, dunga gawahi,
Dunya tab mujh par agar hanse:
Main hun Masihi, chhap mujh par Us ki,
Us ne krus par bahaya khun;
Main hun Masihi, yah meri khushi,
Kharida Us ne main Us ka hun,

2. Main hun Masihi, kaisa ajib hai,
Ek gunahgar hun, jo bach gaya;
Main hun Masihi, samne salib hai,
Yisu ke pichhe main chalunga:
Gar jhagre howen, log Us ko chhoren,
Sab shak aur dar se main larunga;
Ruh ke kalam se, Masih ke khun se,
Gunahon par fatah paunga.
3. Main hun Masihi, yahan Musafir,
Yah dunya mera ghar hai nahin;
Safar yah mera jald hoga akhir,
Rahenge dukh aur taklif nahin:
Main hun Masihi kaisi ummed hai,
Ki Yisu phir se jald aega;
Log chahe hansen yah bara bhed hai,
Hamen Apne sath le jaega.
4. Main hun Masihi, yah kaisa git hai,
Jo mere dil men aj utha hai;
Yah vaham nahin hai, na rasm aur rit hai,
Ruh Us ka mujh men ab basta hai:
Main hun Masihi, maut se kyun darun,
Jab mera wakht yahan a pahunche;
Gate hue main yah dunya chhorun,
Aur mujh ko Yisu kabul kare.

255.

The chiefest among ten thousand.

(S. of S. 5: 1)

Yisu Prabhu mero anupam sundar,
Sis nawate hain Tum hi ho Ishwar.

1. Tum hi ho Trata, Tum hi ho Vidhata,
Raksha karo ab, raksha karo ab;
Par karo ab yah bhav sagar,
Tum hi ho Ishwar anupam sundar.

2. Yisu nam hai kitna pyara ;
Wah dukhiyon ka asli sahara.
3. Yisu nam hai kitna sundar ;
Deta shanti man ke andar.
4. Yisu nam hai shakti wala ;
Jis nam se bhut nikala.
5. Yisu nam hai sab se uncha ;
Sab swarg aur prithwi men uncha.

204 *Unto you therefore which believe He is precious.*
(I Peter 2: 7) ✓

Gao madhur madhur Yisu nam. ... 2

1. Swarg chhor kar jag men Wah aya, 2 } 1
Papin karan lahu bahaya ; 1 } 1
Ji uth kar Us ne sab ko bachaya, ...2
Pura kiya sab kam. — Gao
2. Us ne hamare dukhon ko mitaya,
Rogin shokin changa bhi kiya ;
Dard bhare dil ko Us ne bhi chhua,
Kiya ek adbhut kam. — Gao
3. Yisu sab ke apradhon ko uthaya,
Un ke karan ghayal bhi hua ;
Adharmi ke karan kuchla bhi gaya
Ap ko kiya balidan. — Gao
4. Ao pyaro sab mil gaen,
Dandwat karke khushiyan manaen ;
Charnon men Us ke prashansa charhaen,
Hoke ati bhayman. — Gao

205 *The cross ... is the power of God.* (Tel. 131)
(1 Cor. 1 : 18) ✓

Kalvari ke sahare - bach jaega pyare. ... 2

1. Suli upar charh ke - dukh hamare uthae ;
Pran deke pyare - aya dil men hamare.

2. Kyun na gun gaun Us ke - apne sare dil se ;
Us ke pichhe pichhe chalke - dekhun prem ke kariye.
3. Us ka khun pyara - banke zindagi ki dhara ;
Sare dhabbe mitae - dhoke pap hamare.
4. Us ki qadar wah jane - joki zakham pahchane :
Lahu jin se nikalke - aya dil men hamare.
5. Suwarta ko leke - jaen logon pas sare,
Tauba papon se karke - bach jaen bichare.
6. Prabhu shakti mujhe de - himmat meri barha de ;
Manjh'dhara men jake - laun sab ko kinare.

206 *The Name is as ointment poured forth.* (Tel. 75)

(S. of S. 1 : 3)

- | | |
|--------------------------------------|---------|
| Madhur madhur Yisu nam pyara, | ✓ ... 2 |
| Stuti ke yogya hai Prabhu hamara; | ... 2 |
| Madhur madhur Yisu nam pyara, | |
| Madhur madhur Yisu nam. | |
| 1. Swarg' chhor kar jagat men aya, | } 2 |
| Krus par charh kar lahu bachaya. | |
| 2. Shaitan ko Us ne krus par haraya, | |
| Narak ke dand se ham ko bachaya. | |
| 3. Pap se mukt' bhi Us ne karaya, | |
| Pita Ishwar se mel karaya. | |
| 4. Lahu se dhokar shuddh banaya, | |
| Ishwar ka putr ham ko banaya. | |
| 5. Atma ka bhagidar banaya, | |
| Ishwar ka mandir ham ko banaya. | |

GITON KI PAHILI PANKTION KI SUCHI

- 224 Age barho nav jawano
243 Ao bhajen Us ko
201 Ao karen sashtang pranam
202 Ao pyaro sharan Masih ki
225 Apne Prabhu ko pahchanne
241 Apni jyoti Apni sachhai
203 Bhajo bhajo Prabhu Yisu
213 Bhajta kyun nahin re man
226 Bhakton ki mandli hai
249 Bhar de mere Prabhu
214 Bin Yisu nahin ho nistara
242 Dekh tera Raja ata hai
227 Dekho Main ek naya kam
204 Gao madhur madhur Yisu
215 Guru kaun pura
228 Hamen Yisu ke darwaze
246 He Ishwar mere Raja
247 He Yahowah he bal mere
216 He Yahowah Tu ne mujh ko
245 Is jag ka Main deepak hun
248 Ishwar ki stuti tum karo
217 Jagat men aya hai Taranhar
250 Jai jai Yisu Raja, jai jai
230 Jiwan dip jalao
253 Jiwan ki yih pyas mere
257 Kaise kah dun Yisu
229 Kal patal ke jitanhara
205 Kalvari ke sahare
206 Madhur madhur Yisu nam

- 254 Main hun Masihi
218 Man mandir men a Masiha
219 Maya moh aur lobh men
251 Mero man lago
258 Mujh ko Masiha pak
220 Naiya par laga meri
231 Pawitar Siyyon ke basi
207 Prabhu ji ke charnon men
208 Prabhu ji Tum ne
232 Prabhu ko sab milkar sarhao
233 Prabhu Yisu Apni mandli
234 Premi Yisu Masih ka
240 Sab Yisu ki jai jai bolo
235 Sari chizen hain tumhari
209 Stuti karo pyaro
236 Sun le pukar hamari
252 Taran de papi ko
221 Tera lahu, Tera lahu
237 Upkar ki bhenten apni
238 Uth jyotiman tu ho ja
210 Yahowah ki stuti sab gaen
211 Yahowah Parmeshwar mahima
256 Yisu ji Prabhu ji
239 Yisu mera Charwaha
244 Yisu ne sab ke liye
222 Yisu ne tere waste
255 Yisu Prabhu mero anupam
223 Yisu Tu mujhe pap se
212 Yisu Tu ne mere liye

O SING UNTO THE LORD A NEW SONG;
SING UNTO THE LORD, ALL THE EARTH.

(Psalm 96: 1)